

歷代內侍考

歷代內侍考卷之六

衣集

南北朝

南宋

華頭兒

戴法興初為大將軍彭城王義康記室令史義康敗仍為孝武
征虜撫軍記室掾及江州焚仍補南中郎典籤帝於巴口建義法
興與典籤戴明寶蔡賢俱轉參軍督護上即位並為南臺侍御
史同兼中書舍人法興等專管內務權重當時孝武崩前廢帝
即位法興遷越騎將改尉時太宰江夏王義恭錄尚書事任同總

已而法興巢尚之執權日久威行內外義恭積相畏服至是憚
憚尤甚廢帝未親萬機凡詔敕施為悉決法興之手尚書中書
無大小專斷之顏師伯袁粲守空名而已廢帝年已漸長凶志
轉成欲有所為法興每相禁制謂帝曰官所為如此欲作等陽
邪帝意稍不能平所受幸閣入華顗兒有盛寵賜與金帛無算
去與常加裁減顗兒甚恨之帝嘗使顗兒出入市里察聽風謠
而道路之言謂法興為真天子帝為贗天子顗兒因此告帝曰
外間云宮中有兩天子官是一人法興是一人官在深宮中入
物不相接法興與太宰顏柳一體往來門客恒有數百內外士

庶莫不畏服之法興是孝武左右復久在宮闈今將他人作一家深恐此坐席非復官許帝遂允法興官徙付遠郡尋於家賜死死一宿又殺其二子截法興棺焚之籍沒財物

論曰戴法興宋孝武之蠹也而前廢帝之蠹也不死則致毒滋多獨惜其死於顛兒之口夫顛兒齟齬法興非為帝也直以自洩其恨耳假令法興與顛兒比即有道路之言必歷不以聞聞亦必為之地矣夫法興猶能禁帝使不得大肆其惡自去興死而凶志遂成宗室大臣往往不保首領而帝亦卒為營焉讀也邦家傾覆則唯利口之以哉

錢藍生

阮佃夫明帝初出閣選為主衣後又請為世子師甚見信待景和末明帝被拘於殿內住在秘書省為帝所疑大禍將至佃夫與王道隆李道兒及帝左右淳于文祖謀共廢立時直閣將軍柳光世亦與帝左右蘭陵繆方威丹陽周登之有密謀未知所奉登之與明帝有舊方威等乃使登之結佃夫佃夫大悅先是帝立皇后普暫撤諸王舍人明帝左右錢藍生亦在列中事畢未被遣密使藍生候帝慮事泄藍生不欲自出帝動止輒以告淳于文祖令報佃夫景和元年十一月二十九日曉時帝出華

林園建安王休仁山陽王佑休山陰主並侍側明帝猶在秘青
省不被召益懼佃夫以告外監典事東陽朱幼又告主衣吳興
壽寂之細鎧主南彭城姜產之產之又語所領細鎧將臨淮王
敬則幼又告中書舍人戴明寶並響應明寶幼欲取其司向曉
佃夫等勸取開門鼓幼預約勒內外使或監生密報建安王休
仁等時帝欲南巡腹心直閣將軍宗越等其以並聽出外裝束
唯有隊主樊僧整防林閣是柳无鄉世人无世要之即受命姜
產之又要隊副陽平聶慶及所領壯士會稽富靈符吳郡俞道
龍丹陽朱達之陽平田嗣並聚於慶省佃夫慮力少更欲招合

壽寂之曰：謀廣或泄，不煩多人。時巫覡言後堂有鬼，其夕帝於竹林堂前與巫共射之。建仁王、休仁等山陰主巫從，帝素不悅寂之，見輒切齒。寂之既與佃夫等成謀，又慮禍至，抽刀前入，姜產之隨其後，淳于文祖、繆方威、周登之、富靈符、聶慶田、嗣王敬則、愈適龍來達之，又繼進。休仁聞行聲甚疾，謂休祐曰：「作矣！」相隨奔景陽山。帝見寂之至，引弓射之，不中，乃走。寂之追殺之事定，宣令宿衛曰：「荆東王受太后令，除狂主，今已太平。」明帝即位，論功。壽寂之封應城縣侯，產之汝南縣侯，佃夫建城縣侯，王道隆吳平縣侯，淳于文祖陽城縣侯，李道兒新渝縣侯，繆方威劉

陽縣侯周登之曲陵縣侯富璽符惠懷縣子聶屢建陽縣子王敬則重安縣子俞道龍茶陵縣子宋遠之零陵縣子

論曰子業真狂主哉。銳於播惡而闇於防姦。彼且疑畏湘東而幽之。而將戮之矣。猶使監生得以在側。竹林之弑。毋亦天奪其魄耳。嗚呼。監生與阮佃夫毒寂之埒功也。佃夫輩侈然疏爵而監生獨不與焉。則其人亦鈞鈞者矣。

南齊

徐龍駒

徐龍駒以奄入本給安陸侯後度東宮為齋帥帝即位以後便
佞見寵凡諸鄙黷雜事皆所誘勸帝與文帝幸姬霍氏淫通改
姓徐氏龍駒勸長留宮內聲云度霍氏為厄以餘人代之龍駒
位羽林監後閣舍入黃門署令淮陵太守帝為龍駒置嬪御妓
樂常住含章殿著黃綸帽被貂裘南面向案代帝書敕內左右
侍直與帝不異前代趙忠張讓之徒莫之能比封忠懷縣男事
未行明帝請誅之懇至乃見許帝尋亦廢弒于西美并尸出龍

駒宅殯葬以王禮霍氏及廣昌君宗並賜死餘黨亦見誅帝驛
王

論曰孟子罪戰國諸臣一曰長君惡一曰逢君惡乃徐龍駒則駢有此二惡罪者也鬱林顧寵任之撤殿賜材錦綺置妓且令儼然南面代行天子事而其罪愈不可贖矣殺身不亦宜乎然鬱林卒不免焉則小人何利而工使佞而使佞又奚益於人國哉

王寶孫

奄人王寶孫年十三四號為帳子最有寵參預朝政雖王咥之梅蟲兒之徒亦下之控制大臣移易勅詔乃至騎馬入殿訖訶天子公卿見之莫不懾息及肅衍師至近郊帝遣王寶孫督戰寶孫切罵諸將帥直問將軍席蒙發憤突陣死蒙驍將也既斃衆軍於是土崩茹法珍梅蟲兒又說帝曰大臣不留意使國不鮮且悉誅之王珍國張稷懼禍乃謀應肅衍以計告浚閭舍人錢強強許之密令游盪主崔叔智夜間雲龍門稷及珍國勒兵入殿分軍又從西上閤入後宮御刀豎勇之為內應是夜帝在

舍德殿笙歌作兒女子卧未塾聞兵入趨出北戶欲還後宮清
 曜閣已閉闔人禁防黃泰爭刀傷其膝仆地顧曰奴反邪直從
 張舜斬首送蕭衍宣德太后令依漢海昏侯故事追封東昏侯
 其佐脅成亂者法珍蟲兒及王暄之俞寶慶俞靈韻祝靈勇范
 亮之徐僧重時崇濟芮安泰劉文泰呂文慶胡輝光繆買養章
 道之楊敬子李繁之周管之范雲濟石曇悅張惠奴王勝公王
 懷藻梅師濟郗伯兒史元益王靈範席休文解縈及太史金駱
 文叔大巫朱光尚凡三十一人奄官王寶孫王法昭許朗之許
 伯孫方佛念馬僧猛盛邵王竺兒隨要袁餘世等十人梁武平

建鄴皆誅

論曰書云尚猷詢茲黃髮則周所愆東昏押晧群小如水就
濕王寶孫以乳臭假童蔑紀作威致將士解體而患成土崩
則亦不可勝誅者矣雖然禿秋之笑也解菜之營也孰為之
濕而孰為之就乎吾於寶孫何尤

梁

俞三副

初昭明太子母丁貴嬪薨太子遣人求得善墓地將斬草有賣地者曰闕人俞三副求市若得三百萬許以百萬與之三副密啟武帝言太子所得地不如今所得地於帝告帝未年多忌便命市之葬畢有道士善圖墓云地不利長子若厭伏或可申延乃為蠟鵠及諸物理墓側長子位有宮監鮑邈之魏雅者初並為太子所愛邈之晚見疎於雅密啟武帝云雅為太子厭禱帝密遣掄掘果得鵠等物大驚將窮其事徐勉固諫得止於是唯

誅道士由是太子迄終以此慙慨故其嗣不立

論曰李延壽之論曰以明昭之親之賢梁武之愛之信謗言一及至死不能自明然而開其隙者俞三副也三副徒以百萬之路巧中多忌之主致昭明惑圖墓者言而梁武入厭禱之謬父子猜嫌胤嗣遂不得立矣貪人敗類豈三副之謂邪

張僧龍

邵陵王綸初昭明之薨簡文入居監撫綸不謂德舉而云時無
豫章故以次立陵之汲歛望滋甚於是伏兵于莽用伺車駕而
臺舍人張僧胤知之其謀遂洩僧胤常候都官而書羊侃侃曰
我牀非關人所坐竟不前之

論曰邵陵歛望而伏我逆矣張僧胤知之果與逆者乎抑中
立者乎或知而洩其謀者乎跡羊侃移牀則僧胤固非貞士
所屑與者也雖然卒不聞其憾侃而傾之也則猶賢乎而况
又能訟劉之亨之功也視俞三副宵壤矣

朱買臣

蕭棟昭明太子之孫。簡文見廢。侯景奉以爲主。未幾行禪讓禮。棟封淮陰王。及二弟矯。並鎖於密室。景敗走。兄弟相扶出。逢杜嗣於道。剗去其鎖。弟曰。今日免橫死矣。棟曰。倚伏難知。吾猶有懼。初王僧辯之爲都督。將發。詔元帝曰。平賊之後。願君萬福。未審有何像注。帝曰。六門之內。自極兵威。僧辯曰。平賊之謀。臣爲己任。成濟之事。請舉別人。由是帝別敕宣猛將軍奄入朱買臣。使行忍酷。會簡文已被害。棟等與買臣遇見。呼往船共飲。未竟。並沉于水。武陵之平。議者欲因其舟艦還都建鄴。宗慄黃羅

漢皆楚入不頭移帝及胡僧祐亦俱未欲動僕射王褒乞戶尚書周弘正驟言即楚非便宗懔及御史大夫劉戩以為建鄴王氣已盡且渚宮洲已滿百於是乃留及魏軍過買臣按劍進曰惟有斬宗懔黃羅漢可以謝天下帝曰曩寔吾意宗黃何罪二人退入於人中及魏人燒柵買臣謝答仁勸帝乘暗潰圍出就任約帝素不便馳馬曰事必無成徒增辱耳答仁又求自扶帝以問王褒褒曰答仁侯景之黨豈是可信成彼之勳不如降也遂使皇太子王褒出質請降

論曰梁元忍於骨肉而以未買臣為成濟世豈有校批而根

不傷者乎。則建鄴王氣即微。魏師亦已盡矣。買臣不自愧悔。而顧欲斬宗黃以謝天下。誤國之罪。買臣豈在宗黃下哉。

王子晉

侯安都與周文育西討王琳。軍至郢州。琳將潘純於城中遙射官軍。安都怒。圍之未尅。而王琳至弇口。安都乃釋郢州。悉衆往沱口以禦之。過風不得進。琳據東岸。官軍據西岸。相持數日。乃合戰。安都等敗。與周文育、徐敬成並爲琳囚。縶以一長繯繫之。置于觸下。令所親宦者王子晉掌視之。琳下至盆城。白水浦。安都等甘言許賂。子晉乃僞以小船住觸而釣。夜載安都、大郁敬成上岫。入深草。步投官軍。還都。

論曰：王琳雖非純臣。而能下士。士多歸心焉。故赴謝而陸納

請死見執而故吏爭資被戮而未錫求首老叟懷血士致柩者五人義故會葬者數千人蓋有田橫而後未易一二睹也獨王子晉以琳覲信俾守敵囚而縱使逸焉小人洵難養哉御之宜何如懲懲矣

陳

蔣裕

沈皇后陳文帝之后也。廢帝即位尊后為皇太后。宮曰安德。時宣帝與僕射劉仲舉舍人劉師知等並受遺輔政。師知忌宣帝權重。矯敕令還東府理州務。宣帝將出。毛喜止帝曰。今若出外。便受制于人。如曹爽願作富家公。不可得也。宣帝乃稱疾。召師知與語。使毛喜先入言之於后。后曰。今伯宗年幼。政事並委二郎。此非我意。又言於廢帝。廢帝曰。此自師知等為。非朕意也。喜出報宣帝。帝因因知。師知入見后。及帝。極陳師知之短。仍自草

敕請畫以師知付廷尉其夜於獄賜死自是改歸宣帝后憂閔計無所出乃密賂宦者蔣穉令誘建安人張安國使據郡反莫因此圖帝安國事發被誅時后左右近侍頗知其事后恐連逮黨與並殺之宣帝即位以后為文皇后

論曰陳宣帝之於臨海亦猶周公之於成王也而眈眈則目必欲解其璽紐而佩之自劉師知死而是臣無復為臨海計者文皇后蔣穉之賂蓋亦計畫無俚之甚耳惜穉之闇於計也夫一張安國惡足為宣帝難而冀因此圖之邪藉使其計得行適以激之怒而趣慈訓廢立之詔耳然安國被誅而穉

聞連逮后亦終於陳亡之後則宣帝猶寬矣嗚呼六皇后嬪
人也見不踰閭無足怪者獨怪梁武道意而顧於趙叔祖諄
諄也

趙叔祖齊豫章文獻王薨內齊直帳閣人時事梁武帝

蔡臨見 李善度

臨見一作脫見

陳後主怠於政事有司啟奏並曰宦者蔡臨見李善度進請後主倚隱囊置張貴妃於膝上共決之李蔡所不能記者貴妃並為疏條無所遺脫因參訪外事人間有一言一事貴妃必先知白之由是益加寵異冠絕後庭而後宮之家不遵法度有誣於理者但求恩於貴妃貴妃則令李蔡先啟其事而後送容為言之大臣有不從者因而譖之言無不聽時蕭引為中庶子建康令李蔡及殿內隊主吳璉多所請屬引一皆不許引族子密時為黃門侍郎諫引曰李蔡之權在位皆憚亦宜少為身計引曰

吾之立身自有本末亦安能為李蔡致屈就令不平不過免職耳吳璉竟作飛書李蔡證之坐免官

論曰夫宦官宮妾其於人主甚狎而易昵則其瞞喜怒來昏惰而寵太阿也亦甚不難此即劉明之主猶往往溺焉而况閹弱者乎則後主之溺於貴妃李蔡無惑焉獨惜三人者比而禍入國而因以自禍也噫

北魏

宗愛

宗愛不知其所由來。以卑為閹。入厯辟職。至中常侍。正平元年。元正太武大會於江上。班賞群臣。以愛為泰郡公。景穆之監國也。每事精察。愛天性嶮暴。行多非法。景穆每銜之。給事中侯道威侍郎任平城等。任事東宮。微為權勢。太武頗聞之。二人與愛並不睦。愛懼道威等素其事。遂搆告其卑。詔斬道威等於都街。時太武震怒。景穆遂以憂薨。是後太武追悼不已。愛懼誅。遂謀逆。二年春。太武暴崩。愛所為也。尚書左僕射蘭庭侍中吳興公

和足侍中太原公薛提等秘不發表。延足二人議以大成冲幼，欲立長君。徵奉王輔置之秘室，提以文成有世嫡之重，不可廢所宜立，而更求君。延等猶豫未決，愛其知謀，始愛其舉於東宮，而與吳王余素協，乃密迎余。旬中宮便門入，矯皇后令，徵延等。延等以愛素賤弗之疑，皆隨之入。愛先使閹豎三十人持伏於宮內，及延等人，以次收縛，斬於殿室。執奉王輔，殺之於永巷，而立余。余以愛爲大司馬、大將軍、太師、都督中外諸軍事，領中秘書，封馮翊王。愛既立余，位居元輔，錄三省兼總戎禁，坐白公卿權恣日甚，內外憚之。群情咸以爲愛必有趙高閹樂之禍，余疑

之遂謀奪其權愛憤怒使小黃門貴周等夜殺余文成立誅愛周等皆具五刑夷三族

論曰宗愛之閹以罪也而其後所行卒多非法所謂逆諸四夷不與同中國者非乎不意嚴明如太武而惑一愛也又不意果於誅戮如太武悼愍其子而竟不忍一愛也則愛又奚有於其兄弟哉嗚呼愛刀鋸之餘耳乃敢危嗣君翦王公專廢立賊二天子而恬不為異豈一朝一夕之故也

仇洛齊 殷寶 王琚 趙熙 孫小 張宗之 劇鵬

仇洛齊中山人也。本姓侯氏。外祖父仇欵始出馮翊重泉。欵任石季龍末。徙鄴南枋頭。仕慕容暉為烏丸護軍長水校尉。生二子。長曰嵩。小曰騰。嵩仕慕容垂。遷居中山。位殿中侍御史。有二子。長曰廣。小曰盆。嵩妹子洛齊。生而非男。嵩養為子。因為仇姓。初嵩長女有姿色。克冉閔婦。閔破入慕容儼。又得賜盧豚。生子魯元。魯元有寵於太武。而知外祖嵩已死。唯有三舅。每言於帝。帝為訪其舅時。東方罕有仕者。廣益皆不樂入平城。洛齊獨請行。曰。我養子。兼入道不全。當為兄弟。試禍福也。乃乘驢赴京。魯

元侯知將至，結從者百餘騎，迎於桑乾河，見而下拜。從者亦同致敬，入言於太武。太武問其才能所宜，魯元曰：「臣舅不幸生為閹人，唯合與陛下守宮閹耳，而不言其養子帝矜焉。」引見，叙用。賜爵文安子，稍遷給事黃門侍郎。魏初禁網疏濶，入戶隱匿漏脫者多。東州既平，綾羅戶人樂蔡，因是請採漏戶供為綸縣。自後逃戶占為誦讀羅穀者，非一。於是雜營戶帥遍於天下，不屬守宰，發賦輕易，人多私附。戶口錯亂，不可檢括。洛齊奏議罷之。一屬郡縣，從從征平涼，以功起遷散騎常侍，又加中書令，進爵零陵公，拜侍中，冀州刺史。內都大官卒，謚曰康。養子儼，爵太

武時又有段霸以謹敏見知歷中常侍殿中尚書定州刺史
王瑒高平人也自云本太原人高祖始晉豫州刺史瑒以泰常
中被刑入宮禁小守節久乃見叙用稍遷禮部尚書賜爵廣
平公孝文以瑒歷奉前朝志存公正授散騎常侍後厯位冀州
刺史假廣平王進爵高平王孝文文明太后東巡冀州親幸其
家還京以其年老拜散騎常侍養老於家前後賜以車馬衣
物不可勝計又降爵為公扶老向平城從遷洛邑常飲牛乳色
如處子卒年九子贈冀州刺史謚靖公

趙熙字文靜初名海本涼州隸戶自云其先河內溫人也五世

祖述晉末為西夷校尉因居酒泉安彌縣海生而涼州平沒入
而為閭人因改名默有容貌恭謹小心賜爵睢陽侯累遷選部
能自謹勵富官任舉頗得其人加侍中進爵河內公獻文將傳
位京兆王子推訪諸群臣百官唯唯莫敢先言惟源賀等辭義
正直不肯奉詔獻文怒變色復以問默默對曰臣以死奉戴皇
太子獻文默然良久遂傳位孝文孝文立得幸兩宮祿賜優厚
時尚書李訢亦有獻文與默對詔選部訢奏中書侍郎崔鑒為
東徐州北部主書郎公孫處顯為荊州選部監公孫遵為幽州
皆曰有龍室有私焉默疾其虧亂選禮遂爭於殿廷曰以功授

官同爵與祿國之常典中書侍郎尚書主書郎諸曹監勲能俱立不遇列郡今訢皆以為州臣寔為惑於是默與訢遂為深隙訢竟列默為監藏司默為門士默廢寢忘食規報前怨踰年還入為侍御散騎常侍侍中尚書左僕射兼選部如昔及訢將獲罪默因搆成以誅之然後食甘寢安志於職事出為豫州刺史定州刺史進爵為王克己清儉事濟公私亮於冀州刺史追贈司空謚曰康

孫小字茂翹咸陽石安人也父瑛姚泓安定護軍為赫連屈丐所殺小沒入宮刑會魏平統萬遂圖平城內侍東宮以聰識有

智畧稱未幾轉西臺中散太武幸瓜步慮有北寇之虞賜野泥
陽子除留臺將軍車馬還都乃請父瓚贈諡求更改葬詔贈秦
州刺史石安縣子諡曰戴小後拜并州刺史進爵中都侯州內
四郡百餘人詣闕頌其政化後遷冀州刺史聲稱微少於前然
所在清約當時牧伯無能及也性頗忍酷所養子息驅逐鞭撻
視如仇讐小之為并州以郭祚為主簿重祚文才兼任以書記
時人多之

張宗之字益宗河南鞏人也家世寒微父孟舒晉將劉裕西征
板假洛陽令初維氏宗文邑謀反脅孟舒等事晉孟舒敗走死

宗之被執入京。府刑以忠厚謹慎。擢為侍御中散。賜爵鞏縣侯。歷儀曹庫部二曹尚書。領中祕書。進爵彭城公。後例降為侯。卒於冀州刺史。贈懷州刺史。謚曰敬。始宗之納南齊殷孝祖妻蕭氏。宋儀同三司思話弟思度女也。多悉嬖人儀飾故事。太和中。初制六宮服章。蕭被命在內。豫見訪採。數蒙賜資云。

劇聽高陽人也。粗覽經史。閑曉吏事。與王質等俱充宦官。性通率。不以閭閻為恥。孝文遷洛。常為宮官任事。出后之惑。薛菩薩也。鵬密諫止之不從。遂發憤卒。

薛菩薩后本傳作高菩薩

論曰。仇洛齊天閹也。王珣等故皆良家子。雖以卑沒。年多小。

心洛齊奏罷犇營戶帥厥功爛焉趙默規報前怨至忘寢食
孫小鞭撻螟蛉視若仇讐惜矣而居身清約取節可也若劇
鵬發憤而死賢於隻蒙哉

張祐 抱疑 王過 符承祖 王質 李堅 白泰松

張祐字安福，安定石唐人也。父成，扶風太守。太武末，坐事誅祐。克厲刑，積勞至曹監中給事。文明太后臨朝，中官用事，祐罷幸冠諸閤官，特遷尚書，進爵龍東公，仍館內藏賢。未幾，監都曹，加侍中，與王叔等俱入八議。太后嘉其忠誠，為造甲第宅。成，孝文太后親率文武往宴會焉。拜尚書左僕射，進爵新平王，受職於太華庭，備威儀於宮城南。觀者以為榮。孝文太后親幸其宅，饗會百官。祐性恭密，出入機禁，二十餘年，未嘗有過。由是特被恩寵，歲月賞賜家累巨萬。與王質等十七人俱賜金券，許以不死。

堯孝文親臨之。詔鴻臚典護喪事。贈司空。諡曰恭。葬日。率駕親送近郊。祐養子顯明。沒名。慶少歷內職。有姿貌。江陽王總以女妻之。襲爵。降為疏東公。又降為侯。

抱嶽字道德。安定石唐人也。居於五谷。自言其先姓杞。漢靈帝時。杞匡為安定太守。董卓時。懼誅。易氏即冢焉。無得而知也。初時。龍東人張乾王反。家染其逆。及乾王敗。父睹生逃免。嶽獨與母沒入內宮。受刑。遂為宮人。小心慎密。累遷中常侍。中書侍御。尚書。賜爵安定公。自總納言。職當機近。諸所奏議。必致抗直。孝文文明太后嘉之。以為殿中侍御尚書。太后既寵之。乃徵其父。

睹生拜大中大夫將選見於皇信堂孝文執手曰老入歸塗幾
日可達好慎行路其見幸如此睹生卒贈秦州刺史諡曰靖賜
黃金八十斤繒綵及絹八百疋以供喪用并別使勞慰加贈大
長秋卿薨老疾乞外祿乃出為涇州刺史大特加右光祿大夫將之
州孝文戲於西郊樂陽殿以御白羽扇賜之十九年以刺史從
駕南征以老舊每見勞問數遣稱薨之正五日乘馬出入行禁
之間與司徒馮誕同列軍屯還州自以故老前官為政多年往
法不能遵用新制侮慢士族簡於禮接天性酷薄雖弟侄甥壻
畧無存潤卒於州先以從弟老壽為後又養太師馮熙子次與

嵗死後二人爭立嵗妻張氏致訟經年得以熙子為後老壽亦
仍陳訴終獲紹壽次與還於本族老壽凡薄酒色肆情御史中
尉王顯奏言前洛州刺史陰平子石崇積射將軍抱老壽恣蕩
非軌易室而姦臊聲布於朝野醜音被於行路男女三人莫知
誰子入理所未聞鳥獸之不若請以見事免官付廷尉正舉詔
可之老壽死後其舊奴婢尚六七百人老壽及石崇祖父皆造
碑銘就鄉建堂立西方直谷出二貴人石崇曾被劾後遂廢頓子
長宣位南兖州刺史與侯景反伏法

王遇字慶時本名他悉馮翊李潤鎮羌也與雷震不家俱為羌

中強族。自云其先姓王。後改為鉗耳氏。宣武時改為王。為自晉
已來。恒為渠長。遇坐事。腐刑。累遷吏部尚書。爵名昌公。出為華
州刺史。加散騎常侍。幽后之前廢也。遇頗言其過。及後進幸。孝
文對李冲等申后無咎。而稱遇謗議之。卑遂免。遇官奪其爵。宣
武初。為光祿大夫。復舊爵。馮氏為尼也。公私罕相供恤。遇自以
嘗更奉接。往來祇謁。不替舊敬。遇性工巧。強於部分。北都方山
聖泉。道信居宇。及文明太后陵廟。洛京東郊馬射壇殿。修廣文
昭太后墓園。及東西兩堂。內外諸門。制度皆遇監作。雖年在耆
老。朝夕不倦。又長於人事。留意酒食之間。每逢寮舊。觴膳積豐。

然競於榮利。趙求勢門。趙修之寵也。遇深附會。受款為之造宅。增於本。肯答擊作人。莫不嗟怨。卒於官。初遇之疾。太傅北海王與太妃俱往臨問。視其危。假為之泣下。其善奉諸貴。致相悲悼。如此。贈雍州刺史。

符承祖。略陽氏人也。同事為閣人。為文明太后所寵。賜爵畧陽公。歷吏部尚書。加侍中。知都曹事。初太后以承祖居腹心之任。許以不死之詔。後承祖坐賊。應死。孝文原之。命削職。禁錮在家。授悖莽將軍。佞獨子月餘。遂死。

王質。字紹奴。高陽易人也。其家坐事。幼下。齋室。頗解書學。為中

曹爽內典監稍遷秘書中散賜爵永昌子領監御史遷為侍御給
事又領選部監御史曾事進爵魏昌侯轉選部尚書出為瀛州
刺史風化粗行人庶畏服之而刑政峻刻號為威酷孝文頗念
其忠勤宿舊每行留大故馮司徒亡廢馮后陞獻穆恭等事皆
賜質以璽書手筆莫不委至同之戚貴質皆實掌入為大長秋
卿卒

李堅字次壽高陽易人也文成初坐事為閹人稍遷給事中賜
爵魏昌伯小心謹慎常在左右雖不及王遇王質等而亦見任
用宣武初自太僕卿出為瀛州刺史本州之榮同於王質所在

受納家產巨萬卒於光祿大夫贈相州刺史太和末又有秦松
白整位並長秋卿

論曰文明邪儉誅實任情而張祐抱疑王遇得承祖等拔自
微閑驟躋王公又與所幸王獻俱入八議許以不死則勿問
而知其為佞倖也夫文明吾無責已孝文勤畝變夷乃於祐
之宅焉而幸哉之父焉而寵王遇之酷焉而任承祖之臯焉
而原獨不思身為天子宦者猶得諧而與杖即舊惡不足念
乎殷鑒固宜懲也况佞濁停義可以名官則於刑實矣當哉
幽后失行伊惑自詒舍耕之強吾於白整何尤

劉騰 賈繁

劉騰字青龍，本原城人也。徙屬南充州之燕郡。幼時坐事受刑，補小黄門，轉中黃門。孝文之在縣獄，問其中事，騰具言。幽后私隱，與陳留公主所告符協。由是進，冗從僕射，仍中黃門。後與姑皓使徐充采召入女還，遷中給事。聖太后臨朝，以與子忠保護勲，除崇訓太僕，加侍中，封長樂縣公。拜其妻魏氏為鉅鹿郡君。每引入內，受賞賚，並於諸主外戚所養二子為郡守尚書郎。騰曾疾篤，聖太后慮或不救，遷衛將軍儀同三司。後疾瘳，騰之拜命，孝明嘗為臨軒會。日大風寒甚，乃遣使持節授之。騰幼克宮

役手不解書裁知署名而已而姦謀有餘善射人意靈太后臨
朝特蒙進寵多所干託內外碎密栖栖不倦洛北永橋太上公
太上君及城東三寺皆主脩營吏部嘗望騰意奏其弟為郡帶
成人資乖越清河王懌抑而不奏騰以為恨遂與領軍元叉詐
取主食中黃門胡度胡定列誣懌貨度等金帛令置毒藥御食
中以害帝騰乃白帝殺懌廢太后於宣光殿宮門晝夜長閉內
外斷絕騰自執管籥明帝亦不得見裁聽傳食而已太后服膳
俱廢不免饑寒又侍_使中常侍竇祭假言持明帝書密令防察又
以騰為司空表裏擅權共相樹置又為外禦騰為內防迭直禁

聞共裁判賞。騰遂與崔光同受詔。乘步挽出入殿門。四年之中。生殺之威。決於人。騰之手。八坐几。卿且造騰宅。參其顏色。然後方赴省府。亦有歷日不能見者。公私屬請。唯有財帛舟車之利。水陸無遺。山澤之饒。所在周護。剝削六鎮。交通底市。歲入利息。以巨萬計。又頗役嬖御。時有徵求。婦女器物。公然受納。逼奪鄰居。廣開室宇。天下咸苦之。薨於位。中官為義。息衰經者四十餘人。騰之立宅也。奉車都尉周恃為之。坐。不吉。深諫止之。騰怒而不用。恃告人曰。必困於三月四月之交。至是果死。廳事用成。陳屍其下。追贈太尉。冀州刺史。葬。閭官為義。服杖經。衰縞者。以百。

數朝貴皆從軒蓋填塞相屬郊野魏初以來權閥存亡之盛莫
及焉靈太后反政追奪爵位發其冢散露骸骨沒入財產後騰
所養一子叛入梁太后大怒悉徙騰餘養於北裔尋遣密使追
殺之於汲郡

賈祭字季宣西泉人也太和中坐事厲刑頗涉書記興元入劉
騰等同其謀謨進光祿勳卿專侍明帝與又騰等同帝動靜右
衛吳康生之謀殺入也靈太后明帝同升於宣光殿左右侍臣
俱立西階下康生既被囚執祭詔太后曰侍官懷恐不安陛下
宜親安慰太后信之迺下殿祭便扶明帝出東序前御纈陽還

閉太后於宣光殿。祭既入黨。威福亦震於京邑。自云本出武威。魏太尉文和之後。遂移家。屬烏時。武威太守韋景承祭意。以其兄緒爲功曹。緒時年卽七十。未幾又以緒爲西平太守。寧太后反政。欲誅祭。以入騰黨與不一。恐驚動內外。乃止。出祭爲濟州刺史。未幾遣武衛將軍刁宣馳驅殺之。

論曰。嗚呼。小人無忌憚。甚矣哉。劉騰始者。蓋嘗樹德於靈后。而后所以報德。亦既不遺餘力矣。其後稍稍開隙。遂狡爲肆。其不肖之心。清河雖艾豸乎。而一閭閻敢於蔑天子之輔哉。天子之叔。幽天子之母。而又陽施天子定省之儀。公卿日參。

其顏藩王請為之息寒心哉騰也區區賈察騰鷹犬耳察誅
而騰死於牖下癸冢露骸未盡其辜矣

藩王河間王孫也
為騰養息

楊範 成軌 王溫 孟樂 平李 封津 劉思遠

楊範字法僧長樂廣宗人也文成時坐事官刑為王琚所養恩若父子累遷為中尹聖太后臨朝為中常侍崇訓太僕領中書藥典御賜爵華陰子出為華州刺史中官內侍貴者聖太后皆許其方岳以範年長拜跪為難故遂其請父子納貨為御史所糾遂廢於家後為崇訓太僕華州大中正卒

成軌字洪義上谷居庸人也少以羣刑入事宮掖以謹厚稱為中謁者僕射孝文意有所欲輒候容色時有美惡輒合帝心從駕南征專進御食時孝文不豫常居禁中晝夜無懈延昌末遷

中常侍嘗食典御光祿大夫統京梁都將孝蜀二年以勤謹封
始平縣伯明帝所幸潘嬪以既為假父頗為中官之所敬憚後
進爵為侯卒於衛將軍贈雍州刺史謚曰孝惠

王溫字桃湯趙郡樂城人也父冀高邑令坐事誅溫與兄繼叔
俱克官者稍遷中書食典御中給事加左中郎將宣武之崩群
官迎明帝於東宮溫於卧中起明帝與保母扶抱明帝入踐帝
位高陽王雍既居家宰慮中人朋黨出為鉅虎太守靈太后臨朝
徵為中常侍賜爵樂城伯景遷左光祿大夫光祿勳卿侍中進
封樂城縣侯溫有陳水陽平武陽人改封武陽縣侯建義初於

河陰遇害

孟樂字龍兒不知何許人也。坐事為閹人。靈太后臨朝。為左中郎將給事中。素被病。而常黯黑於几。龍殿下暴疾歸家。其夜亡。樂初出。靈太后聞之曰。樂必不濟。我為之憂。及奏其死。為之下淚曰。其事我如此。不見我一日。忻樂時也。賜帛三百疋。黃綾一十疋。以供喪用。七日。靈太后為設二百僧齋。

平李字幼穆。燕國薊人也。坐事腐刑。累遷新興太守。明帝崩。與介朱榮等議立莊帝。莊帝即位。超拜肆州刺史。尋除侍中。以參謀勳。封元城縣侯。永熙中。加驃騎大將軍。卒。

封津字颺漢勃海脩人也。父全德娶常寶女寶伏誅。全德以連
坐伏法。津受刑。給事宮掖。累遷奉車都尉中給事中。靈太后令
津侍明帝。嘗遷常山太守。津少長宮闈。給事左右。善候時情。號
為機悟。天平初。除開府儀同三司。懷州刺史。元象初。復為中侍
中大長秋卿。仍開府儀同。亮。贈司徒。冀州刺史。諡曰孝惠。
劉思逸。平原人也。以罪少克腐刑。初為小吏。累遷中侍中。武定
中。與元瑱等謀反伏誅。又有張景嵩。毛暢者。咸以閹寺在明帝
左右。靈太后亦密伏之。通傳意計於明帝。元入之出。景嵩暢頗
有力焉。靈太后反。政以妹故。未即殺。又時內外喧喧云。入還敬

入知政事。暢等恐禍及己，乃啟明帝，欲詔石衛將軍楊渾客往殺之。詔書已成，未及出外，又妻知之，告太后。景嵩暢與清河王怱邵散廢太后。太后信之，責暢暢出詔草，以呈太后。太后讀之，知無隱己狀，意小解。然又妻憐之不已，出暢為潁丘太守。景嵩為曹郡太守，尋金捕殺暢。景嵩存靜時，位至中侍中，坐事死。論曰：夫以閹官臨民，鮮有不黷於貨者。然楊乾被糾而廢，則當時御史之法，尚得行於中貴也。成軌封津，皆善侯時主意，色而潛外憐，以明帝幸姬，不羞父軌，則軌固黷於津矣。劉恩逸、張景嵩、毛暢等，計去元凶，抑亦聖后之功臣乎。後暢等復

散殺又思逸欲殺高潛謀雖不就其志足悲矣

北齊

韓寶業等

宦者韓寶業、盧勒、又齊紹、秦子微、並神武舊左右，唯閤內驅使，不被恩遇。歷天保、皇建之朝，亦不至寵幸，但漸有職任。寶業至長秋卿，勒又等或為中常侍。武成時，有曹文標、夏侯通、伊長游、曹侍伯、郭沙彌、鄧長顓，及寶業輩，亦有至儀同、食餘者。唯長顓、武平中任參軍相干，預朝權。如寶業及勒、又齊紹、子微，後並封王，俱自收歛，不通侵暴。又有陳德信，亦參時宰，與長顓並閤府封王，俱為侍中、左右、光祿大夫、領侍中。又有潘師子、崔孝禮、劉

萬道研骨一作骨光升。劉通遠。王弘遠。王子立。王玄昌。高伯華。石
君才能純。陪宮鍾虺。趙野父。徐世凝。荀子溢。斛子慎。宋元賓。康
德汪。並於後主之朝。肆其姦佞。敗政虐人。古今未有多。授開府
罕止儀同。亦有加光祿大夫。金章紫綬者。多帶甲侍中。中常侍
此二職。及至數十人。恒出入門禁。往來園苑。趙侍左右。通宵累
日。承候顏色。競進諂諛。發言動意。多會深旨。一戲之賞。動逾巨
萬。丘山之積。貪恡無厭。猶以波斯狗為議同。郡君分其幹祿。神
獸門外有朝貴憩息之所。時人號為解卸廳。諸閣或在內。多日
暫放歸休。所乘之馬。牽至神獸門階。然後升騎。飛鞭競走。十數

為群馬塵必全諸貴爰至唐趙韓駱皆隱廳趨避不敢為言齊
盧陳鄧之徒亦意屬尚書卿尹宰相既不為致言時主亦無此
命唯以工巧矜功用長顓為太府卿烏神武時有倉頭陳山提
蓋豐樂俱以驅馳便僻頗蒙恩遇魏末山提通州刺史豐樂嘗
食典御又有劉郁斤趙道德劉挑枝梅勝郎辛洛周高舍洛郭
黑面李銅鍬王恩洛並為神武驅使天保大寧之朝漸以貴盛
至武平時山提等皆以開府封王其不及武平者則追贈王爵
雖賜與^無貲顧眄深重乃至陵忽宰輔然皆不得干預朝政武平
時有胡小兒俱是康阿馱穆叔兒等富家子弟簡選黠慧者數

十人以為左右恩賄出處殆與閣官相埒亦有至開府儀同者其曾僧奴僧奴子妙達以能彈胡琵琶甚被寵遇俱開府封王又有何海及子洪珍開府封王尤為親要洪珍侮弄權勢鬻獄賣官其何朱弱史醜多之徒十數人咸以能舞工歌及善音樂者亦至儀同開府閣官猶以官掇驅馳便蕃左右漸因昵狎以至大官倉頭始自家人情寄深密及於後主則是先朝舊人以勤舊之勞致此叨竊至於胡小兒等眼鼻深峻一無可用非理愛好排突朝貴尤為人士之所疾惡其以音樂至大官者沈遇兒官至開府儀同王長通年十四五便假節通州刺史時又有

開府薛崇宗常自云能使鬼及周兵之逼言於後主曰臣已發遣斛律明月將大兵在前去帝信之經古冢崇宗謂舍人行恭是誰冢行恭戲之曰林宗冢復問林宗是誰行恭曰郭元貞父崇宗前奏曰臣向見郭林宗從冢出着大帽告莫靴捶馬鞭問臣我阿貞來不是時群妄多皆賴此

論曰伊尹之訓三風十愆也曰邦君有一於身國必亡夫處仁遷義之主豈其復即於敗而老臣謀國猶凜凜防其漸焉渤海起自戎行開大體蒼頭閹宦驅使任情時雖未被恩遇而業已開用事之隙矣天保以來漸有職任武成之世遂預

朝權武平昏童耳。又何怪其昵群小。酣歌舞也。簡賢附勢。寔繁有徒。氣縣公卿。言禍福。其所以蠹政螫人。靡所不至焉。呼內參一賜。輒數萬匹。而從戎者。曾無禪袴。不亡矣。待焉。是故南安之反也。激於光武。建安之主也。因於長顓。淮揚之驛。蹙也。切齒於德信。微盧潛以權畧撫慰之。不幾揭竿起乎。及西軍日侵。朝貴多叛。高勣奮然。攘袂將甘心子溢。以洩其憤。而卒沮於鄒蘆之月也。悲哉。故君子創業垂統。求為可繼。蟄穴江河。若聲事之始末。其前車已。

勃海王高歡追謚神武
皇建孝昭帝漢年號

天保文宣帝洋年號
太寧武成帝湛年號

武平後主韓年號
武成后胡氏父胡
領虛中有月己而
生后之
母虛氏
南安王思好建安
王張景仁
初懷孕有胡僧詣
門曰此

田敬宣

田敬宣本字鵬靈人也年十四五便好讀書既為開寺伺隙便周章詢請每至文林館氣喘汗流問書之外不暇他語及視古人節義事未嘗不感激沉吟顏之推重其勤學甚加獎後遂通顯歷開府中侍中後主之奔青州遣其西出參伺動靜為周軍所獲問奔主何在紹云已去毆捶服之每折一丈辭色愈厲竟斷四體而卒

論曰田敬宣豈所稱性忠義者耶夫居常尚論感激沈吟易耳一臨患難鮮不自失矣敬宣從容就死辭色不撓微性忠

義能乎哉傳伏更事二姓東歸不終九原有知敬重不耻與
同傳乎

隋

樊叔略

樊叔略陳留人也。父觀仕魏為南兗州刺史。阿陽侯。為高氏所誅。叔略被腐刑。給事殿省。身長九尺。有志氣。頗見忌。內不自安。遂奔關西。周文器之。引置左右。授都督。襲爵為侯。大冢宰宇文護執政。引為中尉。漸被委信。兼督內外。位開府儀同三司。護誅齊王憲。引為國苑監。數進兵謀。憲甚奇之。從武帝平齊。以功加上開府。封清鄉縣公。拜汴州刺史。號為明決。宣帝營建東都。以叔略有巧思。拜營構監。宮室制度。皆叔略所定。尉遲迥之亂。鎮

大梁以軍功拜大將軍復為汴州刺史隋文帝受禪加位上大將軍進封安定郡公在州數年其有聲稱遷相州刺史政為當時第一上降書褒美之賜以乘車班示天下百姓為之語曰智無窮滑鄉公上下正樊安之徵拜司農卿史入莫不流涕相與立碑頌德自為司農凡所種植叔略別有條制皆出入意表朝廷有疑滯公卿所未能決叔略輒為評理雖無學術有所依據然師心獨見開與理合甚為上所親委高祖揚素禮遇之叔略雖為司農往往參贊几卿事性頗豪侈每食方丈備水陸十四年從祠太山至洛陽上令錄囚徒將奏晨至獄門於馬上暴

卒上嗟悼久之。贈亳州刺史。謚曰襄。

論曰。余聞茶者不儉。儉者不奪。樊叔略既稱豪侈。惡得為茶。儉。食情水陸。夫獨非民力乎。且師心獨見之人。未必一一奉法循理。特任其智數。足以徼時譽耳。是故上用兵。則以兵謀見奇。上警備。則以制度見巧。知隋文銳於興理。則又以治行見寔。滑州公。豈滑稽之尤者哉。不然。前此嘗兩刺汴矣。迺至隋而始有游跡也。李延壽傳之循吏。將有深意邪。抑姑從舊史而莫之改也。

歷代內侍考卷之七

冠集

唐

楊思勗

楊思勗羅州石城人。李蘇氏所養。姓。少給事內侍省。從玄宗討內難。擢左監門衛將軍。帝倚為牙爪。開元初。安南蠻渠梅叔鸞叛。號黑帝。舉三十二州之眾。外結林邑。真臘。金鄰等國。據海南。眾號四十萬。思勗請行詔募首領子弟十萬。與安南大都護元楚客。繇馬援故道。出不意。賊駭貽不暇謀。遂大敗。封尸為京觀。而還。十二年。五溪首領覃行章亂。詔思勗為黔中招討使。平

兵六萬往執行章斬首三萬級以功進朔國大將軍給祿俸隨
閭從封泰山進驃騎大將軍封號國公邕州封陵獠梁大海反
破賓橫等州思勗又平之禽大海等三千人討斬支黨皆盡隴
州蠻獠行範自稱天子其下何游魯號定國大將軍馮璘南越
王破州縣四十詔思勗發水道連三州兵淮南弩士十萬襲斬
游魯璘於陣行範走盤遼諸洞思勗悉眾窮追生縛之阮其黨
六萬獲馬金銀鉅萬計卒年八十餘思勗驚忍敢殺戮所得俘
必剥面務腦褫髮皮以示人將士憚服莫敢視以是能立功內
給事牛仙童納張守珪賂詔付思勗殺之思勗縛于格登慘不

可勝乃探心截手足剔肉以食肉蓋乃得死楚客者樂安人後
歷桂州都督致仕封松滋縣侯

論曰定天下者英主而能禍天下者亦英主也夫英主何以
禍天下哉彼其才智足以籠蓋天下而耳目之近時有所不
及察左右近習之小有才者又往往伺間以求中其欲而彼
且自負聰明神聖天下無足為吾難者而雜然舉而用之一
當意即肩越祖宗之制而踰尊踰戚弗惜焉其後遂至於潰
敗決裂而不可收拾此非英主之過邪若漢宣唐玄是已夫
宣帝漢中興令主也而開三大釁與漢俱終唐室之禍所為

訖於危亡而莫解者惟是方鎮閹官擅權拔扈而開之釁者
玄宗也唐初兵列府以居外將列衛以居內有事則將事已
即解制甚善也自開元九年始於朔方置節度而方鎮之權
日重黠陽一鼓帝已身蒙其禍矣太宗詔內侍省不立三品
官不任以事而執意玄宗之弁髦之也當靖難時楊思勗雖
嘗從事而未參首謀酬以金帛可也擢為內侍長如太宗制
可也而顧倚為牙爪豈在廷諸臣無一足任而區區藉思勗
為邪安南之討思勗敢於自請者蓋亦有以窺帝之微耳而
京觀一封兵權虛假官歸騎階一品寢尋達於脫季中尉監

軍內外盤據將相多出其門而天子直拱手以聽焉夫誰陷之庸哉吾故曰禍天下者英主也嗚呼安南亦不幸而勝耳藉令恩勗而喪師奪氣則未必非唐之福矣而奈何屢出屢勝也殆天意乎噫宋廣平於恩勗之近絕不與言彼豈不知其必訴哉直以感悟玄宗於萬一而惜乎其終不悟也亦大也

高力士

高力士，馮盎曾孫也。聖曆初，嶺南討擊使李千里上二間見曰：金剛曰力士，武后以其強悟，敕給事左右，坐累逐出之。中人高延福養為子，故冒其姓。善武，三思歲餘，復得入禁中，累食司宮。瑩既壯，長六尺五寸，謹密善傳，詔令為宮闈丞。玄宗在藩，力士傾心附結，已平韋氏，乃啟屬內坊，擢內給事。先天中，以誅蕭岑等功，為右監門衛將軍。知內侍省事，於是四方奏請，皆先有後進，小事即專決。雖洗沐，未嘗出，眠息殿帷中。微倖者，願一見如天人然。帝曰：力士當上，我腹乃安。當是時，宇文融、李林甫、孟嘉

運草堅、楊慎於王鉉、楊國忠、安祿山、安思順、高仙芝等。雖以才
寵進，然皆厚結力士，故能躋至將相。自餘承風附會，不可計。苟
得所欲，中人若款敬仁、林昭隱、尹鳳翔、韓莊、牛仙童、劉奉廷、王
承恩、張道斌、李大宜、朱光輝、郭全邊，令誡等並內供奉，或外監
節度，卑脩功德，市鳥獸，皆為之使。使還所哀獲，動巨萬計。京師
甲第池園良田美產，占者什六。寵與力士略等。然悉藉力士左
右輕重，乃能然。肅宗在東宮，兄事力士，它王公主呼為翁。戚里
諸家尊曰蒼帝，或不名而呼將軍。力士幼與母麥相失，後嶺南
節度使得之，寵州迎還，不復記識。母曰：「月有七黑子在否？」力士

祖示之如言。母出金環曰：兒所服者，乃相持號慟。帝封為越國夫人，而追贈其父廣州大都督。庭福與妻及力士賁時，故在侍養。與麥均、金吾大將軍程伯獻、約力士為兄弟。後麥亡，伯獻嫁經受吊。河間男子呂玄晤，吏京師女國妹，力士娶之。玄晤擢刀筆吏，至少卿。子弟仕皆王傳。玄晤妻死，中外贈賻送葬，自第至墓，車徒背相望不絕。始李林甫、牛仙客知帝憚幸東都，而京師渭不給，乃以賦衆助渭，反用和籴法。數年，國用稍克。帝齊大同殿，力士侍。帝曰：我不出長安，且十年，海南無事，朕將吐納導引，以天下事付林甫。若何？力士對曰：天子順動，古制也。稅人有常

則人不告勞。今賦求免。漕臣恐國無旬月蓄。和糴不止。別私藏。竭。遂求者眾。又天下病。不可假人威權。既張。孰敢諫者。帝不悅。力士頓首自陳。心狂語謬。當死。帝為置酒。左右呼萬歲。由是還內宅。不復事。加累驃騎大將軍。封渤海郡公。於東建坊。建佛祠。興寧坊立道士祠。珍樓寶屋。國貴所不逮。鍾成。力士宴公卿。一扣鐘。納禮錢十萬。有佞悅者。至二十扣。其少亦不減十。都北堰。澧列五磴。日餽三百斛。直有表思藝者。帝亦愛幸。然驕倨甚。士大夫疏畏之。而力士陰巧。得人譽。帝初置內侍省。監二員。秩三品。以力士思藝為之。帝幸蜀。思藝逐臣賊。而力士從帝進。齊國。

公帝聞肅宗即位喜曰吾兒應天順人改元至德不忘孝子尚
何憂力士曰兩京失守生人流亡河南漢北為戰區天下痛心
而陛下以為何憂臣不敢聞遂上皇還道開府僚同三司是封
五百戶上皇徙西內居十日為李輔國所誣除籍長流巫州力
士方遠瘡功臣閣下輔國以詔力士趨至閣外遣內養授弱制
因曰臣當死已久天子哀憐至今日願一見陛下顏色死不恨
輔國不許寶應元年赦還見二帝遺詔北向哭歐血曰大行升
遐不得禁梓宮死有餘恨慟而卒年七十九代宗以護衛光帝
勞遷其官贈揚州大督都陪葬泰陵初太子瑛廢武惠妃方嬖

李林甫等皆屬壽王。帝以肅宗長意未決，居忽忽不食。力士曰：「大家不食，亦膳羞不具邪？」帝曰：「爾我家老婦，我何為而然？」力士曰：「嗣君未定邪？」推長而立，孰敢爭。帝曰：「爾言是也。」儲位遂定。天寶中，邊將爭立功，帝嘗曰：「朕春秋高，朝廷細務付宰相，蕃夷不冀付諸將，寧不服邪？」對曰：「臣間至閣門，見奏事者言雲南數喪師，又北兵悍且彊，陛下何以制之？」臣恐禍成不可禁，其指蓋謂祿山。帝曰：「卿勿言，朕將圖之。」十三年秋，大雨，帝頗左右無人，即曰：「天方災，卿宜言之。」力士曰：「有陛下以權假宰相，法令不行，陰陽失度，天下事庸可獲安？臣之鉗口其時也。」帝不答。明年祿山

反力士善揣時事勢侯相上下雖親疏至當覆敗不肯為救力
故生平無顯顯大過議者頗恨宇文融以來權利相賊陷天下
之禍雖有補益弗相除云

論曰高力士善揣時事識玄宗於藩邸而傾心結納卒以柔
媚被寵將相藉其力近倖結其驩副主王公咸致禮敬即天
子亦弗名也光祿甚隆赫哉得君既久時進讜言母以此塗
耳目而塞清諫乎巫州之流非不幸也雖然立長一言儲宮
遂定至謂大柄不可假北兵不可禁皆確論也睹遺詔而悲
慟至死則不第賢於袁思藝矣

邊令誠

安祿山反范陽玄宗命安西節度封常清如東京募兵禦賊以
高傔芝為副元帥統諸軍之次州祿山兵卒盡入精勁習戰常
清所募皆市儈不識兵戰要于谷戰上東門戰衆皆解却
戰虎牢大潰走賊遂陷東京傔芝用常清畫保潼關中使遣令
誠數以事干傔芝傔芝不從遂言常清以賊拒眾而傔芝棄陝
地數百里又盜減軍糧賜帝大怒遣令誠齎敕即軍中所之常
清草遺表曰臣死之後望陛下親此賊無忘臣言時朝議皆
以祿山狂悖不日當殺首故云然令誠宣敕殺常清乃討傔芝

曰大夫亦有見命。德芝趨下，令誠宣教。德芝曰：「我遇敵而退，當死。謂盜賊，糧賜則有，士衆在，德芝得士心。士卒大呼稱枉，令誠曰：『我教使耳，何知遂斬之？』以哥舒翰為副元帥，遣中使赍戰師覆于靈寶西原。翰部將執翰降于賊。於是賊入潼關，帝遂幸蜀。始祿山不意帝遂西，壁潼關者十餘日，不敢進。而崔光遠遂令誠逆迎賊，賊乃入京師。屠妃主，皇孫留者數十人，王侯將相危車駕，家留長安者皆被禍。」

論曰：封常清、高仙芝喪師棄地，罪固當死。然退守潼關，猶足以救京師，扞豕突，策未失也。而遽死於譏，則令誠舍沙之以

哉。比。延秋甫駕而逆賊之使已向潼關。令得恣其屠戮。廟社
幾亡。即寸斬令誠。寧足洩神人之怨悵乎。吾意不開。元英主
後。乃至憤憤而不能決也。故祿山反。形已著。猶入璆琳之節
說。及神威馳諭。而踞牀不拜也。辱笑貞疾不死。幸哉。
璆琳馮神威皆中使。

李輔國

李輔國本名靜忠以閹奴為閑廐小兒貌倜儻略通書計事高力士年四十餘使主殿中簿最王鉞為使以典水豆能檢擅耗欺焉以故肥薦之皇太子得侍東宮陳玄禮等誅楊國忠輔國豫謀又勸太子分中軍趙朔方收河隴兵圖興復太子至靈武愈親近勸遂即位係天下心據家令判元帥府行軍司馬肅宗稍授任以肱膂事更名護國又改令名凡四方章奏軍符禁賞一委之輔國能隨事斷斷謹密取人主親信而內深賊未敢肆不啖葷時時為浮圖詭行人以為柔良不忌也帝還京師拜殿

中監閑厩五坊宮苑營田栽接總監使京隴石群牧京畿鑄錢
長春宮等使少府殿中二監封成國公是封戶五百宰相群臣
欲不時見天子皆因輔國以請乃得可常止銀臺門決事置祭
事廳見數十人吏雖有執電過無不得得輒推訊州縣獄訟三
司制劾有所捕逮流降皆私判臆處因稱制敕然未始聞上也
詔書下輔國署已乃施行群臣無敢議出則令士三百人為衛
貴幸至不敢斥官呼五郎李揆當國以子姓爭之號五父帝為
娶元擢女為妻擢以故為梁州長史弟兄皆位臺省李峴輔政
叩頭言且亂國於是詔敕不繇中書出者峴必審度輔國不悅

時太上皇居興慶宮。帝自親^道起居。太上皇亦間至大明宮。或相逢道中。帝命陳玄禮、馬力士、王承恩、魏悅、王真公主常以太上皇左右。黎園子弟日奏聲伎為娛樂。輔國素微賤。雖暴貴。力士等猶不為禮。怨之。欲立奇功自固。初太上皇每置酒長慶殿。南倚大道。因裴回觀覽。或父老過之。皆拜舞乃去。上元中。劍南奏事吏過樓下。因上謁太上皇。賜之酒。詔公主及如仙媛主之。又召郭英入。王鉉等飲。資予頗厚。輔國因妄言於帝曰。太上皇居近市。交通外人。玄禮、力士等將不利陛下。六軍功臣反側不自安。願徙太上皇入禁中。帝不寤。先時興慶宮有馬三百。朝告。

輔國即伏兵凌霄門迎太子伺變是夜捕二王及中人朱輝光馬英俊等囚之而殺后他殿代宗立輔國等以定策功愈跋扈至謂帝曰大家第坐宮中外事聽老奴處決帝默然欲剪除而憚其握兵因尊爲尚父事無大小罕問白群臣出入皆先詣輔國輔國頗自安又冊進司空兼中書令實封戶八百未幾以右武衛大將軍彭體盛代爲開厠群牧苑內營田五坊等使以右武衛大將軍藥子昂代判元帥行軍司馬賜輔國大第於外中外聞其失勢舉相賀輔國始惘然憂不知所出表乞解官有詔進封博陸郡王仍爲司空尚父許朝朔望輔國欲入中書作謝

表門者不納曰尚父罷宰相不可入輔國氣塞久乃曰老奴死
罪事郎君不了請地下事先帝矣帝優辭諭遣有韓穎劉烜善
步星乾元中待詔翰林穎位司天監烜起居舍人與輔國驍甚
輔國領中書穎進秘書監烜中書舍人裴冕引為山陵使判宮
輔國罷俱流嶺南賜死旬輔國徙太上皇天下疾之帝在東宮
積不平既嗣位不欲顯戮遣俠者夜刺殺之年五十九執其首
潤中殊右臂告恭陵然猶秘其事刻木代首以葬贈太傅諡曰
懿後梓州刺史杜濟以武人為牙門將自言判輔國者
論曰木朽則蠹生醜醜則蚋聚未聞寡欲之君而宵人得以

售其術者也。肅宗之即位也，年踰四十矣，想自為太子時，意不能不眷卷於富貴，而今輔國日侍東宮，必有窺其微而冀得一中其欲者。欽、馬、苑、久、旌、璽、武、致、貧、從、史、之、力、為、多、迄、居、名、再、錫、帝、且、盡、委、叢、神、藉、之、而、彼、復、何、所、顧、忌、乎、是、故、願、罷、則、多、官、可、兼、八、座、可、搭、宰相、可、求、而、南、北、司、之、事、可、兼、而、視、也、怙、勢、則、口、敕、可、行、相、臣、可、逐、妖、人、可、斥、而、潭、州、刺、史、卒、不、得、其、死、焉、犯、上、則、建、寧、可、誅、上、皇、可、劫、張、皇、后、越、亮、二、王、可、殺、而、睥、睨、寢、疾、之、主、不、啻、綴、旒、矣、先、正、有、言、肅、宗、信、任、輔、國、上、不、保、其、父、中、不、保、其、身、下、不、保、其、妻、子、而、要、以、利、天、下、一、念、

隋之禍也何以知其利天下哉於乾樹鷄知之乾樹鷄之惇
知以天子樂耳寧復知有播遷之君父恢復之遠圖而藉叢
神於朝國吳惑焉噫朝國不嘗以柔謹寄帝乎嘗之而知其
易與而後傲然肆其毒則肅宗利天下一念隋之禍也

相臣謂宰相李岷也
潭州刺史龐承鼎也

妖人申奉芝也
廷字王侯

趙王係
兗王簡

程元振

程元振京兆三原人少以宦人直內侍省遷內射主使飛龍厰副使張皇后謀立起王元振見太子發其姦與李輔國助討薨立太子是為代宗拜右監門衛將軍知內侍省事帝以藥子昂判元帥行軍司馬固辭乃以命元振封保定縣侯再遷驃騎大將軍邠國公書總禁兵不踰歲權震天下在輔國石凶決又過之軍中呼十郎王仲昇者初為淮西鄣使與襄州張維瑾部將戰申州被執賊平元振薦為右羽林大將軍兼御史大夫將軍兼大夫由仲昇始裴冕與元振忤乃擢韓翃等罪貶施州來瑱

守襄漢有功元振嘗諉屬不庭因仲昇共誣殺鎮同平節度使
李懷諤被構憂甚自殺素惡李光弼數媒竭以疑之璣等上將
冤光弼元勳既誅斥或不自省方節繇是攜解廣德初吐蕃黨
項內侵詔集天下兵無一士奉命者虜扣便橋帝倉黃出居陝
京師陷賊剽府庫焚問衙蕭為空於是太常博士翰林待詔柳
伋上疏曰大戎以數萬衆犯關度隴歷秦渭掠邠涇不血刃而
入京師謀臣不奮一言武士不力一戰提卒叫呌劫宮闈焚陵
寢此將帥叛陛下也自朝義之滅陛下以為智力所能故疏元
功委近習日引月長以成大禍群臣在廷無一犯顏回慮者此

公卿叛陛下也陛下始出都百姓填然爭府庫相殺戮此三萌
叛陛下也自十月朔台諸道兵盡四十日無隻輪入關者此四
方叛陛下也內外離叛雖一魚朝恩以陝郡戮力陛下獨能以
此守社稷宗陛下以今日勢為安邪危邪若以為危豈得萬死
不為天下計臣聞良藥療疾當病餘藥藥不當疾猶無益也臣
下視今日病何繇至此乎天下之心乃恨陛下逮賢良任宦豎
離間將相而幾于亡必欲存宗廟社稷獨斬元愆首驅告天下
悉出內使歸諸州獨留朝恩備左右陛下持神策兵付大臣然
校削尊號下詔引咎平德勵行屏嬪妃任將相若曰天下其許

朕自新政道乎且即募士西與劉廷會方以朕惡未悛邪則
王大器敢妨聖賢其聽天下所往如此而兵不至人不寢天下
不服請赤臣族以戮疏聞帝顧公諒不與乃下詔盡削元族官
爵放歸田里帝還元拯自三原衣私入京師舍司農卿陳景遷
家園不軌御史劾按長沅秦州景詮貶新興尉元拯行至江死
時又有駱奉先者亦三原人歷石驍衛大將軍數從帝討伐元
見待廣德初監僕固懷恩軍者奉先恃恩貪甚懷恩不平既而
懼其譖遂叛事平擢奉先平容使宰畿內兵權燭熾然永泰初
以吐蕃數驚京師始城鄆以奉先為使悉毀縣外廬舍無尺椽

累封江國公監鳳翔軍大曆末卒

論曰嘗聞王者無私夫以父母天下之人而稍存私怨私德則愛憎辟於片念而威福舛於終身其弊必且中於國而其勢卒至於不可圖夫非私之爲害乎吾讀唐史張后本謀非欲立越王係也不勝輔國之憾與得甘心焉而代宗弗許始轉而投甲於係耳程元振寓於輔國者發其謀以自救也豈爲代宗忠計而胡德之深邪寵秩既隆威權遂熾蓋至上將元勳相繼誅斥而天下索然解體泰興越隻輪不西姑迫於公議而薄待以不死帝可謂厚於報德矣而元振顧欲以怨

報哉其矣王者之不可私也

魚朝恩

魚朝恩瀘州瀘川人。天寶末，以品官給事黃門，內監，善宣納。詔令三德初監李光進軍京師，平為三宮檢責使，以左監門衛將軍知內侍省事。凡鄧度國賊，羽州以朝恩為觀軍容宣慰使，置使觀軍容使。自朝恩始。史思明攻洛陽，朝恩以神策兵屯沃洛陽，陷思明長驅至硤石，使子朝義為游軍，肅宗詔銳兵十萬循渭而東，以濟師。朝恩按兵沃泉，使神策將衛伯玉與賊將盧大景等戰，敗之。洛陽平，徙屯汴州。加開府儀同三司，封馮翊郡公。寶應中，還屯陝。代宗避吐蕃，幸衛，兵驩散。朝恩遣軍奉迎。

華陰來與六師乃振帝德之更號天下剽軍容宣慰處置使等
領神策軍賞賜不涯朝恩賞小人恃功岸忽無所憚僕固瑒攻
麟州使姚良弼溫誘回紇陷河陽朝恩遣李思誠討瑒以翟天
場監之王景岑討良弼王希遷監之敗瑒於高泉生擒良弼瑒等
引吐蕃入寇遣劉德信討斬之故朝恩因麾下數克獲竊以自
高是時郭子儀有定天下功居功臣第一心媚之奉相州敗虜
為詆譖肅宗不內其諂然猶罷子儀兵留京師代宗立與程元
振一口加毀帝未及寤子儀憂甚俄而吐蕃陷京師卒用其刀
王室再安故朝恩為慙乃勸帝徙洛陽欲遠戎狄百僚在廷朝

恩從十餘人持兵出曰虜數犯都甸欲幸洛云何宰相未對有
近臣折曰敕使反耶今追兵足以捍寇何遽育天子亲宗廟為
朝恩色沮而子儀亦謂不可乃止朝恩好引輕浮後生處門下
講五經大義作文章謂才兼文武微伺談置永泰中詔判國子
監兼鴻臚禮賓內飛龍閑廐使封鄭國公始請學詔宰相常參
官六軍將軍悉集京兆設食內教坊出音樂俳倡侑燕大臣子
弟二百人未禁雖然為附學生列廡次又賜錢千萬取子錢供
秋飯每視學從神策兵數百京兆尹黎幹率錢勞從者一貲數
十萬而朝恩色常不足凡諸會群臣計事朝恩怙貴美辭折愧

望人出其上。雖元武辯強亦拱默。唯禮部郎中相里造殿中侍
御史李衡酬詰往返未始降屈。朝恩不擇點行以動造。入禁將
易執政以震朝廷。乃會百官都堂且言宰相者和元氣。群生
今水旱不時。乞軍數十萬。饑運困竭。天子卧不安席。宰相何以
朝之。不退避賢路。默默尚可賴乎。宰相倪首坐皆失色。造從生
從之。曰。陰陽不和。五穀踴貴。皆軍容事。宰相何與哉。且軍容
不散。故天降之沴。今京師無事。六軍可相離鎮。又乞十萬饋糧。
所以不足。百司無稍食。軍容為之宰相行文書而已。何所歸罪。
朝恩拂衣去。曰。南衙朋黨且害我。會釋菜執易升坐。百官咸在。

言鼎有履餗象以役宰相王綰怒元載怡然朝恩曰怒者常情
笑者不可測也載銜之未發朝恩有賜豎觀治勝爽未為佛祠
為章敬太后薦福即后謚以名祠許之於是用度侈浩公塚曲
江諸館華清宮樓櫺百司行署將相故弟收其材佐興作費無
慮萬億既數毀郭子儀不見聽乃遣盜發其先冢子儀託辭自
鮮以安眾疑久之袁判國子監鴻臚禮賓等使加內侍監從封
韓增是封百戶永泰檢校國子監初卿策都虞候劉希達魁健
能騎射最為朝恩昵信以太僕卿封交河郡王兵馬使王駕鶴
獨謹厚亦封徐國公希達諷朝恩置獄北軍陰縱是少年橫朝

富人付吏考訊。因中以法錄。竟入之罪。皆誣服。死。以市人
入地牢。又惡年史。貴明觀。朝恩捕。巡行。新財。軍。為人。無
致。養其。哀。朝廷。裁。決。朝恩。或。不。預。者。輒。怒。曰。天下。事。有。不。由。我
乎。帝。聞。不。喜。晨。息。令。徽。者。尚。勿。為。內。給。事。服。錄。與。同。烈。爭。愈。歸
白。朝恩。明日。見。帝。曰。臣。之。子。位。下。頭。得。金。紫。在。班。上。列。帝。未。答。
有。司。已。奉。紫。^服于。前。令。徽。稱。謝。帝。笑。曰。小。兒。章。服。大。稱。滋。不。悅。元
載。乃。用。左。散。騎。常。侍。崔。昭。尹。京。兆。厚。以。財。結。其。黨。皇。舅。溫。周。皓。
溫。方。屯。陝。而。皓。射。生。將。自。是。朝。恩。隱。謀。奧。語。悉。為。帝。知。希。遷。覺。
帝。指。密。白。朝恩。朝恩。稍。懼。然。見。帝。接。遇。未。衰。故。自。安。而。潛。計。不。

執帝遂倚載決除之。懼不克。載曰：「陛下第專爲臣必濟。」朝恩入殿，帝從武士百人自衛，能統之。而溫控兵在外，載乃徙鳳翔戶李抱玉、鄧度山南西道，以溫代鄧度。鳳翔重陽其權，實內溫以自助。載又誘鳳翔之郿與京兆以野盤屋，以鳳翔之號資雞與抱玉，而以興平武功鳳翔之扶風天興與神策軍朝恩剽其土地，自封殖，不知爲虞也。郭子儀密白朝恩嘗詰周智光爲外應，久領內兵不早圖，變且大。載留溫京師，未即遣，約共誅朝恩。謀定，以問帝曰：「善圖之，勿久受禍。」方塞食宴禁中，既罷將還，營有詔留議事。朝恩素肥，每乘小車入宮省。帝聞車聲危坐，載

守中書省朝恩至帝責其異圖朝恩自辨悖倣皓與左右禽誼
之死年四十九外無知者帝聽之下詔罷觀軍容等使漕寔封
戶六百內侍監如故外戚言既奉詔乃投繯云遂尸於家賜錢
六百以葬帝懼軍亂追劉希暹王駕鶴哀並御史中丞又下詔
慰曉將士獨希暹自知同惡言不遜駕鶴白發之遂賜死而實
明觀兼得幸於載故載奏隸江西使立功自贖路嗣恭榜殺之
所厚禮部尚書係使裴士淹戶部侍郎判度支第五琦皆坐貶
論曰使未有以觀軍容名者有之自魚朝恩始夫軍容亦奚
以觀也九節度之師誠不相統一欲統而一之獨不有郭汾

陽在乎即觀軍容亦矣藉朝恩爲也奈何應事二主恩寵隆赫俄而開府儀同矣俄而尊典禁兵矣俄而天下軍容矣又俄而判國子監矣其初諸學也文武悉從朱紫雖查京兆具饌教坊奏樂俳倡侑燕幾與天子臨幸埒朝恩復何憚而不謂偃宰相舉天下事盡出其手邪嫌隙既開乃始倚元氣決意誅之而天子如臨大敵惴惴焉不克是施則受制家奴倣獨文宗然矣雖然幸洛已決近臣一折即且帝指不俞命還一白即懼朝恩雖怙貴哉亦曷嘗不可以理勞禁諭者當判國子時廷臣言如常奏持議不撓吾意朝恩之氣必奪而果

官之譏寧待封韓之日乎。比牙將家辱京尹則其勢已成。伊
川曰父惡能以國耻責宰相之中雪也。

牙將李璣京尹在昭
伊川曰父新紀

竇文場 霍仙鳴

竇大場霍仙鳴者始並隸東宮事德宗未有名自魚朝恩死官人不復典兵帝以禁衛盡安白志貞志貞多納富人金鎗軍止收其庸而身不在軍及涇師亂帝召近衛無一人至者惟文場等率宦官及親王左右從至奉天帝遂志貞并左右軍付文場主之興元初監神策左右兵馬以王希遷監右而馬有麟為左神策軍大將軍軍額由此始帝自山南還而軍復完而帝志貞將難制故詔文場仙鳴分總之廢天威軍人左右神策是時竇霍權震朝廷諸方節度大將多出其軍臺省要官走門下馬援

引者足相躡銜士示華以按摩得幸文場恭慮稱置索辭數焉
歸而藩鎮贈遺累百鉅萬畧士妻女無所憚詔殺之于軍其隆
赫如此久之置護軍中尉中護軍各二員詔文場為左神策護
軍中尉仙鳴為右庶希望為左神策中護軍張尚進為右中尉
尉護軍自文場等始後仙鳴移病帝賜十馬令諸祠祈解後稍
愈已而暴死帝疑左右進毒捕詰小使問狀誅數十人贈開府
儀同三司以內常侍第五守亮代之文場擢累驛騎大將軍時
監察御史崔遠行囚于軍更為具酒食遠欲悅媚之故不拒文
場劾奏詔流遠遠方文場年老致仕卒其後楊志廉孫榮義為

左右中尉招權騎驛與竇霍略等帝晚節聞民間訛語禁中事而北軍捕太學生何詠曹壽繫訊大懼司馬武少儀上書有如罪不測願明示四方你得釋是時宦官復盛矣希望者涇陽人歷明威將軍贈洪州督尚進河東人歷忠武將軍贈開府儀同三司志廉弘農人歷左監門衛大將軍樂義涇陽人歷右武衛大將軍並贈揚州大都督

論曰貪夫敗類小人亂邦其白志貞之謂子當朝恩南誅許閻氣憚德宗初政斷然攬權光起杖忠翼流而特繫兵柄投之志貞志貞不于是時天心報主惟爾是鑒奉天之幸曾不

能效一甲一騎之用致寶霍章復得以軫其臂而奪之而桀
衛重兵世歸商臣夫非倚帥之英國哉雖然當是時亢勳上
將豈無可與桀兵者而德宗輕昇之走貞旋復效而還之同
侍六瓦同於遂泥不振則誤國之罪吾人不獨為走貞責矣
嗚呼崔遠之為御尺也而沉朱華之為衛士也而愆韓公義
之貪懦也而茫李景略之威望也而說則文場較仙鳴不唐
嶮而橫邪噫儻微鄭詞一諫中尉之庠遂宣矣尺稱德宗多
猜忤不知何以獨推心此屬也

邵光起使淮受祿焉德宗杖之劉忠翼與蔡幹比而羅政
長流賜死